

ESPELIDA

Aqilokoq

Fanga riseta redondon s'acoconar rambalh petaçar
Rouge pivoine infini maintenant libellule ouest

Camarga amarga. Aiga-sal e sansoira à *l'infini*. Tamarisses gachòlas. Partissi long de la robina à *la conquête de l'ouest*. *Des nuages de* mosquilhs e moscalhons *dansent* e lo zonzonament d'aqueles milions d'alas fa un **rambalh** *qui anime le silence* de la bassa salada.

Un insecte pus gròs se ven assolelhar *sur une feuille de roseau* picatada d'aiganha. Damaisèla o **Libellule** ? Ne vòli èsser segur. Fau un pas cap a la canòta. Un de tròp. M'espatarri dins la **fanga** de la robina. Arpategi tant que pòdi mas m'enfangui un pauc mai. Me fa pensar al còp ont m'espatlèri dins la nèu a la montanha e ont m'enfonzavi de pas en pas, mas pesadas dessenhant de fòrmas curiosas. Èra coma s'èri arna sus un lençòl blanc que daissèri tot traucat. **Aqilokoq** ! me diguèt l'amic Fañch que m'acompanhava.

Ici et maintenant, me sentissi venir **rouge comme une pivoine** e susi las tres pèls ! Es que me'n tirarai ? Soi solet a me **petaçar** per me salvar. Davant ieu, l'aiga qu'embrutissi de mai en mai, fa un **redondon** e de botiòlas venon espetar dins l'aire embocanat. La lisa m'enlisa e pèrdi espèr.

Pataclòc, pataclòc, pataclòc... *Pas possible*, ausissi una cavalcada. Es mèstre Vincenç lo gardian del mas del Fornelet que per astre me vei. Amb una còrda, agèt lèu fach de me tirar d'aquela cachavièlha. Ara, al mas, aprèp una bona docha, amb los vestits un pauc estequits que m'a prestat mèstre Vincenç, me rescalfi davant lo fuòc, bevent a glops un veirat de tisana de romanin.

Podètz creire qu'es caucanha de **s'acoconar** aital dins un ambient calorós. Me pòdi pas empachar de pensar à *la libellule* que benlèu ailà *sur une feuille de roseau* picatada d'aiganha me fa **riseta**. *Je ne lui en veux pas : la curiosité m'a valu cette imprudence*. D'aquel afar, ne fau l'**espelida** de quelques nòtas d'occitan que Mistral bufant sus val de Ròse s'empòrta. Levat de la memòria. Alara, fau passar...

Peire Thouy